

Хамза Есенжановтың «Ақ Жайық» трилогиясындағы кейіпкерлер
Хакім – романның басты кейіпкері, Жүніс қажының баласы, Оралдағы реальный училищенің студенті.

Әмір – жұқа өңді, дөңгелек көзді, кішірек денелі гимназист, Хакімнің жақын досы.
Сәлмен – Хакімнің мектептес жолдасы.

Мүкарама – реальное училищиде оқитын Хакімнің сүйген қызы.

Минхайдар Құрбанов – Мүкараманың ағасы, тілмаше

Әбдірахман Әйтиев – Орынбор Совдепінің мүшесі, революционер, большевик және Қызыл Армияның қозғалысын басқарған жетекшілердің бірі.

Павел Иванович Червяков – Исполкомның оқу-ағарту комиссары, учитель.

Петр Астафьевич Дмитриев – Орынбор Совдепінің басшысы, исполком председателі, большевик.

Меңдікерей Ипмағамбетов – Әмірдің әкесі, губерналық советтің мүшесі, комиссар.

Қаратаев Бақытжан Бисалиевич – Орынбор Совдепінің мүшесі, юрист, большевик.

Шамиль Қаратаев – Бақытжан Қаратаевтың ұлы, жас гимназист.

Яковлев – Орынбор Совдепінің мүшесі, Михеевпен келіссөз жүргізген большевик.

Петр Петрович Парамонов – Орынбор Совдепінің мүшесі, Теке қаласындағы заводтың жұмыскері, деревняларда совет ұйымдастыру ісімен айналысқан большевик.

Михеев – Войско үкіметінің өкілі, генерал.

Айтқали Абылаев – хакімшілік ісін атқаратын қатыгез офицер.

Захар Калашников – Требуха ауылының Калашников деген әлді казактың кенже баласы, меньшевик.

Быков Игнатий Иванович – Январцев Совдепінің председателі, облыстық Совдептің мүшесі.

Марфа Быкова – большевик Игнатий Ивановичтің әйелі.

Василий Быков – Требуханың учителі, Игнатий Быковтың ағасы.

Ольга Констатиновна – Жаһанша Досмұхамедовтың жары.

Ехлас доктор – Хакімнің ауылдасы Шұғыл қожаның ұлы, Петроградтың Әскери академиясының хирургия бөлімін бітірген дәрігер.

Бәйес Махметұлы – Акчуриндердің дүкеншісі, саудагер, большевиктерге тілектес.

Биғайша – дүкенші Бәйестің жұбайы.

Жол – Бәйестің ағасы, Аңқаты болысының 7-ауыл старшинасы.

Бақтылы – ауыл старшинасы Жолдың қатыгез әйелі.

Һарон Ахметович – губернаторлық полицмейстердің жәрдемшісі және Орал қаласының жандармерия басшысы.

Қален – Барқын ауылының учителі, большевик.

Мәкка – учитель Қаленнің жұбайы.

Зағипа – Қален учительдің қарындасы.

Қажымұқан – Барқын ауылының тұрғыны, кедей балықшы, большевиктерге тілектес жан.

Манар – Қажымұқанның әйелі.

Хәмидолла мен Ғұбайдолла – Барқын ауылының мешіт пен медреселерін ұстаушылар, екеуі де Бұхарада оқып, үлкен имамның мұриді болып қайтқан белгілі адамдар.

Жүніс – Хакімнің әкесі, қажы.

Балым – қажы Жүністің бәйбішесі, Хакімнің анасы.

Әлібек пен Әділбек – Жүніс қажының ұлдары, Хакімнің туған інілері.

Нұрым – Хакімнің ағасы.

Нұрыш – Шұғыл қажының ұлы.

Бақы – Шұғыл қажының делбесін ұстап, қасында жүретін, оның малын да бас-көз болыңқырайтын жігіт.

Абылаев мінген Шұғылдың қара көк атын қолға түсіремін деп, қайтыс болады.

Аманқұл – Қален учительдің жарлы ағайыны, ірі дәулетті, атақты Шұғыл қажының жаз жылқысын бағатын жігіт.

Тойқожа/Тояш – Жүніске немере ағайын. Тойқожа үш ағайынды: үлкені – Қайыпқожа, ең кішісі – Бекқожа.

Қайыпқожа – атақты сыбызғышы, Тояштың туған ағасы.

Кәрімғали – ел ағасы Қайыпқожаның ұлы.

Шолпан – жастайынан жесір қалып, он бір – он екі жастағы қайнысына атастырған жас, Хакіммен құрдас келіншек. Күміс дейтін жесір әйелдің келіні.

Моисеи Антонович Кисляк – Богдановка ауылының старостасы.

Иван Белан – Богдановка ауылының тұрғыны, солдат, большевик.

Семен Степанович Белов – Войско үкіметі отрядының офицері, ауылдардан мал, жылқы және жігіт жинау ісімен айналысқан меньшевик.

Карпич Фроловский – дүкенші Бәйестің ауылындағы балықшы,

Петро – балықшы Карпичтің ұлы.

Иван Андреевич Гречко – Требуха ауылындағы Быковтардың көршісі, Меңдікерей Ипмағамбетовтың өмірін сақтап қалған қарапайым орыс шаруасы.

Ақметше Мұхамметшин – Хакімнің жақын жиені. Ол Жымпиты үкіметінің подрядін тасумен айналысқан.

Ораз – Қынық Жанұзақтың баласы, Мерғалидің жиені, Қадымұқанға нағашы болып келеді. Алты жылдық Қарасу мектебін бітірген жас бала.

Қали – сыбызғышы Қайыпқожаның кенже баласы, Шұғылдың қозы-бұзауын бағып жүретін бала.

Құлмырза – Тоқсабаның биі, Жүніс қажының ақылдасар жолдасы.

Жаһанша Досмұхамедов – Батыс уәлаятының бастығы, заңгер.

Халел Досмұхамедов – жез сағақты сопақ көзілдірік киген орта бойлы, дөңгелек қара сақал қойған, қара торы доктор.

Дуся – революционер Дмитриевтің қызы.

Ықылас/Ықатай – большевик Әбдірахман Әйтиевтің жұбайы Күлшанның інісі.

Әбіл – Күлшанның ауылдасы, Қара Оба болысына аты көпшілікке мәлім Нысанның баласы. Ол Әбдірахман Әйтиевтің соңына жеті жыл бойы түскен меньшевик.

Пазыл – Нұрымның туған нағашысы – Шағаттың баласы.

Оразбаев Мәмбет – он алтыншы жылы Лұқпан болысты ауылынан алдына салып бұзауша айдап алып кеткен, Ресейдегі окоп жұмысынан қашып келген заманның батыры, большевик.

Ғұбайдолла Әлібеков – қыстауы да, жайылым да Қамысты көлдің жағасындағы Мәмбеттің учителі.

Хамидолла – Ғұбайдолла Әлібековтың інісі, орыс-қырғыз мектебінде оқып, ел билеу ісімен айналысады.
Ғалиасқар Әлібеков – Ғұбайдолла Әлібековтың інісі, Реальное училищені бітіргеннен кейін «қызылдарға қол бергендердің бірі» болды.

Арон төре/сұлтан Гарун Ахметович – Ресейдегі окоп жұмысына жігіттерді міндеттеген полковник.

Шаһизада – Арон төренің қызы.

Әжіғали және Жапалақ – Мәмбетпен бірге он алтыншы жылы окопқа бірге барып, бірақ сол Бобруйскіде қалып қойған жігіттер.

Капитан Қаржауов – Жаншаның жәрдемші секретары және уалаят кеңсесін басқаратын әкім, меньшевик.

Хабибрахман Қазиев – Жымпиты қаласындағы алты жылдық екі класты орыс-қазақ мектебінің меңгерушісі, Ғұбайдолламен тығыз араласатын жолдасы.

Жолмұқан – әскердегі Әмірдің жақын араласқан жолдасы.

Қапи Мырзағали – Реальное училищені Ғалиасқар Әлібековтармен бірге оқып, кейін Саратовта білім алған революционер, большевик.

Орақ – Жымпитыдағы әскер жұмысында қызмет атқаратын кіші офицер, большевик.

Әзмұратов – Ойыл гарнизонының бастығы войсковой старшина.

Жоламанов – Жымпитыдағы әскердің жүзбасы.

Жанғожа – Оралдың Реальное училищесін бітірген, Ойылдағы юнкер мектебінде писарь-интендант қызметін атқарған кіші офицер, Сәлменнің жақын жолдасы.

Батырбек – Барбастау бойында көп жыл бойы бай казак-орыстардың малын бағып, қалаға жақын жерде өмір сүрген Әлжан пастухтың жалғыз баласы. Орысша-қазақша төрт жылдың мектепті бітіріп, жағадағы «көзі ашық» Сақыпкерей, Меңдігерей, Әбдірахмандардың төңірегінде өскен жас-ты. Ол жаздыгүні уалаяттың қару-жарағын қолға түсіруге астыртын хабар бергеннің бірі. Жақында жасақшылар комитетінің бастығы болып сайланып, «Еркін ел», «Ерікті әскер» деген ұғымдарды қазақ жастарының миына құя бастаған.